

"Management Team" pa organiza carnaval

ORANJESTAD(AAN): E proposicion cu a ser aproba pa miembranan di Comision Vision 2000 ta pa bini cu un Management Team (MT) pa organiza y dirigi carnaval di Aruba.

Un MT cu maneho independiente di cualquier influencia y instancia ahenor.

Un MT integral, esta cu mester aborda idea y critica externo.

Un MT pragmatico, esta cu ta haci trabaonan eficiente cu proceduranan realistico

Un MT sostenible, esta cu organizatoriamente e mester ta sostenible (Self supporting)

TRIUNVIRATO

E structura di e MT, segun e rapport di Comision Vision 2000, ta cu e MT lo opera como un "Triunvirato".

E Triunvirato (so) por reemplaza su (mes) miembranan.

Miembranan di e Triunvirato ta haya ~~compensacion~~ di gastonan (durante temporada di carnaval.)

E cuerpo di Consejo di e Triunvirato ta consisti di maximo 3 persona apunta pa

gobierno.

E cuerpo aki exclusivamente ta conseha e Triunvirato, sin ningun influencia directo riba decisionnan y maneho di e Triunvirato.

E secretario (a) lo ta den servicio di e Triunvirato, y mester ta un profesional den su trabao y ta wordo paga pa su trabao.

E MT mes lo nombra su relacionista publico y mester ta un profesional den su trabao y eventualmente paga pa su trabao.

Coordinadornan ta den servicio di e Triunvirato y ta eherce nan trabao den acordancia cu e Triunvirato.

Den nan tareanan nan ta ser sosteni y apoya pa e Triunvirato.

E coordinadornan ta pa paradanan, eleccionnan, concursionan, Carnival city of camp, y pa otro eventonan.

Cada coordinador lo tin su equipo o comision di trahador bao di dje pa e eventonan.

Den e edicion aki por lesa varios articulo riba e rapport di Comision Vision 2000.